

爾

雅

正

義

爾雅正義卷第十一

國史館纂修官邵晉涵集

世第十一

正義

周語云山土之聚也鄭註周禮

無物也成其大無虧也小其上泰其下久長安

後世無有去就儼然獨處惟山之意說文云山

宣也宣氣散生萬物有石而高象形釋名云山

產也產生物也山體曰石石落也堅捍落也廣

雅云土高有石曰山是山者土積而成以石爲

體故水經註引春秋說題辭云陰含陽故石凝

爲山王虞易注云山之爲體層峯峻嶺險參

差也此篇所釋首言五山禹貢所謂莫高山也

山三冀陟以下俱釋山之形體不釋山名故禹

貢所導諸山若太行王屋嶧冢岷山俱不著于

爾雅後世所命諸山依爾雅以爲名若外方謂

爾雅者所附益也

河南華註華陰山河西嶽註吳嶽河東岱註岱宗泰山

河北恒註北嶽恒山江南衡註衡山南嶽正義此釋

之名也虞夏書言四嶽周禮大宗伯大司樂始有五嶽之文鄭註大司樂云五嶽岱在兖州衡在荊州華在豫州岳在雍州恒在并州摺爾雅此文爲釋也周營成周宅於土中四方所和會華山在成周境內故首舉之吳嶽在岐周境內故次及之中庸云載華嶽而不重舉華嶽可以該五岳邦畿喬嶽四方所仰止東岱北恒南衡所爲三面環拱也釋地云河南曰豫州華在豫州故曰河南華河東西曰離州嶽在離州故曰河西嶽濟河間曰兖州郭註自河東至濟岱在兖州故曰河東岱兩河間曰冀州在豫州南河之北恒在冀州故曰河北恒漢南曰荊州爲江漢朝宗之地衡在荊州故曰江南衡爾雅於五嶽各繫以地所以

使望秩者無迷其方也周末望秩禮廢經訓衰微口說流傳寢生異議漢初傳爾雅者遂增益其文於此篇之末曰嵩高爲中嶽太史公封禪書首述其言班固白虎通義應劭風俗通義俱沿襲其說鄭註大宗伯亦云五嶽東曰岱宗南曰衡山西曰華山北曰恒山中曰嵩高山鄭君以爾雅所言五嶽前後異文互見於註迺未定之論孔穎達求其說而不得遂以鄭註爲更見異意大司樂註至災異而言其五岳正名必取嵩高爲定解賈公彥謂周國在雍州權立吳嶽爲西嶽非常法爾此惑於漢儒增益之文轉致疑於五岳之正名也王制云五嶽視三公修其秩祀國有典常如謂可權立其名則秩祀亦無定所成周制禮必不其然大宗伯所言五嶽主祭祀大司樂所言五嶽主災異則是中嶽之祀在嵩高而吳嶽不與焉五嶽間有災異在吳嶽而嵩高不與焉以吳嶽爲五嶽慮其或有震裂而存去樂之文以嵩高爲五嶽卽可信其終古無震裂乎不正其名遷就其詞又何能得其定解矣爾雅者正名之書也職方氏掌天下之圖

以掌天下之地九州之山鎮曰會稽曰衡山曰華山曰沂山曰岱山曰嶽山曰醫無閭曰霍山曰恒山而無當高以會稽沂山醫無閭霍山爲四鎮則華嶽岱恒衡爲五嶽而不指嵩高其明証矣何休公羊註引尚書巡狩四嶽之文而益其下云還至嵩如初禮白虎通義引尚書大傳云五嶽謂岱山霍山華山恒山嵩山也或以此爲唐虞五嶽有嵩高之證殊不知何休尚識緯大傳多附益皆據漢事言之三代以前書闕有周虞夏書四岳而外惟霍太山有太岳之稱是爲唐虞之五嶽左氏昭四年傳司馬侯云四岳三塗陽城太室太室卽嵩高山別太室於四岳之外明乎太室之不稱岳也知周以前不稱嵩高爲岳則無疑於吳嶽之爲岳當從爾雅此文及大司馬註爲成周五岳之定名也詩疏引鄭志雜問云周都豐鎬故以吳岳爲西岳周家定以岳山爲西岳不數嵩高鄭君釋五嶽此爲定論矣

**爾雅** 華陰山○**爾雅** 嵩疏引李巡云華西岳華山也此沿於舊說也郭意以下文河西嶽例之周以嶽山爲西岳則華當爲中岳故不從李

註但以爲華陰山。吳嶽。○**正義**太平御覽引孫炎云嶽雍州鎮有吳嶽山孫氏但以爲雍州鎮蓋未能折衷於鄭志定吳嶽爲西岳也禹貢云崤及岐職方離州其山鎮曰嶽山漢書地理志扶風汧縣吳山在西古文以爲汧山水經註云汧水又東合一水發南山西側國語所謂虞矣禹貢木名岍山爾雅職方因其爲西嶽故稱爲嶽山俗謂之吳山又合稱吳嶽吳或作虞以其聲近字同也史記封禪書誤分吳山吳嶽爲二吳嶽今在隴州。岱宗至南嶽。○**正義**書疏引李巡云岱東岳泰山也恒北岳恒山也衡南岳衡山也郭註本李巡詳見下文書疏又引郭氏音義云恒山一名常山避漢文帝諱

山三冀陟

**註**

冀亦重再成英

**註**

兩山相重一成坯

**註**書

曰至于大坯

**正義**

此釋山形重冀之異名也成猶重也見釋丘山之三重者名陟列子湯

問篇周以喬陟張湛註山之重冀也殷敬順釋文引郭註云重隴也水經註稱爲三累山書疏引李巡云

再重曰英西山經有英山水經註云禹水出英山太平寰宇記鄭縣有英山其取再成之義以爲名與書疏又引李巡云一重曰坯水經註引爾雅云山一成謂之坯許慎呂忱等竝以爲正一成也案今本說文云坯正再成也與鄭註所引許慎說異蓋鄭註爲得其實矣正書曰至于大坯正義禹貢文水經註河水東逕成阜大伍山下鄭康成曰地喉也沅山伍入矣在河內修武武德之界濟沅之水與滎播澤出入自此然則大伍卽是山矣又云成阜縣之故城在伍上縈帶伍阜是鄭註本鄭說以成阜縣山爲大伍也書孔疏引薛瓚漢書音義以爲黎陽縣山臨河豈不是大伍乎後世學者多從薛說隋書地理志黎陽縣有大伍山在今衛輝府滏縣東南二里

山大而高崧

**註**

今中嶽嵩高山蓋依此名

**正義**

大雅云

釋之也毛傳崧高貌疏引李巡云高大曰崧釋名云山大而高曰嵩嵩竦也亦高稱也嵩爲崇字之或體

字亦作崧已見釋詁釋今中至此名。正義郭意以  
外方爲崧高出於禹名山川之後知其依爾雅以爲  
名也後世山名有依於爾雅者舉以示例也以詩嵩  
高維嶽爲專指中嶽而言其誤始於應劭風俗通義

山小而高岑註言岑峯銳而高嶠註言鐵峻卑而大扈

註扈廣也小而衆巋註小山叢羅釋義此分別山有

也。小而高岑。釋名云山小而高曰岑。峯嶮也。嶮

然也。後漢書註嶮山一名嶽。峯山蓋依此名。銳而

高嶠。釋名云上銳而長曰嶠。形似橋也。嶠本作喬

淮南秦族訓引詩及河嶠。岳今詩作喬。本或作橋。史

記黃帝本紀葬橋山。正義引爾雅云山銳而高曰橋

也。釋文引字林作嶠。云山銳而長也。玉篇云嶠峻也

形似橋與釋名同義。列子湯問篇所云海中山有員

嶠。非雅義也。卑而大扈。山之卑而大者曰扈。說

文云鄒有扈谷。甘亭扈谷之名。蓋取義於卑而大矣

古文扈作嗎。玉篇作峴。山廣貌。釋文亦作峴。俗體字



也。小而衆巋。釋文云巋然高峻貌。字林云小山而衆也。莊子天下篇巋然而有餘。釋文云字或作魏高誘淮南註云鬼鬼然。故曰魏。言岑峯也。正義方言云岑高也。郭氏彼註云岑峯峻貌也。說文云峯山之岑峯也。釋文云字又作唵。公羊僖三十三年傳彼之嶽巋。穀梁傳作必於殺之巋唵之下。屨廣也。謂大廣郭註木鄭義。

小山岌大山峘

**註**

岌謂高過

**正義**

兩山相竝而小山高過於大山者曰峘。說文云

駁馬行相及也。讀若爾雅小山。駁大山峘。玉篇云岌山高貌。

屬者嶧

**註**

言駱驛相連屬獨者蜀

**註**

蜀亦孤獨

**正義**

郭

賦云屬連山山之連屬者曰嶧。孤獨者曰蜀。禹貢云嶧陽孤樹。漢書地理志東海郡下邳縣有葛嶧山。古文以爲嶧。揚後世有蜀山又首山一名獨山。皆依爾雅以爲名。駱言駱至連屬。正義劉昭續漢志註引

郭璞云釋山純石積構連屬初學記引傳說云今魯國有嶧山純石相積構連屬成山蓋謂此也疑爲郭氏音義之文。蜀亦孤獨。正義蜀本嶽名獨行無羣匹見下文釋蟲假借以爲孤獨之山名

**上正章**

**詒**山上平宛中隆

**詒**山中央高正章正宛中宛

正此又釋山形相似者之名也漢書地理志江夏郡竟陵縣章山在東北古文以爲內方史記正義引括地志云方城山頂上平四面險峻是凡山之上平者俱名章也玉篇云隆中央高也左氏成二年傳齊侯聞龍史記晉世家云齊伐魯取隆索隱引劉氏曰隆卽龍也魯北有隆山管子中國篇反旆於隆嶽淮南叙真訓終隆之山後世所謂隆中隆慮蓋取宛中之義

**山脊岡**

**詒**謂山長脊未及上翠微

**詒**近上旁陂正義釋

脊曰岡岡亢也在上之言也山旁曰陂言陂陀也大雅公劉云迺陟南岡疏引孫炎云長山之脊也其未

及上者名翠微謂旁陂也初學記引舊註云一說山氣青縹色曰翠微劉逵蜀都賦註翠微山氣之輕縹也與爾雅義殊

山頂冢

**註**

山巔峯者厯屨

**註**

謂峰頭巉巖

**正義**

小雅十

崩毛傳山頂曰冢鄭箋峯者崔嵬漸漸之石云惟其卒矣鄭箋亦云卒者崔嵬說文云峯危高也歷屨山顛見爾雅木作卒者崔嵬說文云峯危高也歷屨山顛也釋名云山頂曰冢冢厯也言厯起也史記封禪書云四大冢鴻岐吳岳索隱云謂四山爲大冢爾雅曰山頂曰冢亦因鴻冢而爲號也**註**山巔。**正義**釋言云顛頂也詩疏引孫炎云冢謂山巔也郭註本孫炎云峰頭巉巖。**正義**玉篇云巉巖高危後漢書註云巉巖山石高峻之貌釋文引字林云巉巖山貌也

山如堂者密

**註**

形如堂室者尸子曰松栢之鼠不知堂

密之有美楸如防者盛

**註**防隄

**正義**說文云密山形如堂者後漢書鍾皓

傳歸隱密山元和郡縣志云河南府密縣故密國春秋諸侯伐鄭圍新密爾雅山如堂者曰密因以爲名盛者釋文云山形如黍稷之在器案盛通作成楊倞荀子註盛讀爲成史記封禪書云成山斗入海漢書郊祀志作盛山海濱以山爲限若隄防之止水矣

**正義**

鄭註檀弓云堂形四方而高山形如至美楸。

形如堂當似之也郭引尸子舊疏以爲繆子篇文。防隄。 **正義**說文云防隄也鄭註檀弓云坊形旁殺

平上而長孔穎達云上平而兩旁殺其南北長也如防之山其形當猶此矣

**巒山隋**

**註**謂山形長狹者荊州謂之巒詩曰隋山喬嶽

**正義**說文云巒山小而銳隋山之隋隋者劉逵蜀都賦註云巒山長而狹也一曰小而銳也釋文引埤蒼

云山小而銳字林云山之施隋者

**註**謂山至喬嶽。

**正義**郭知山形狹長者鄭註儀禮云隋方曰篋釋文

云隋狹而長隋隋聲相近是巒雖有銳小之訓當以狹長爲正訓也荆州謂之巒者楚詞九諫云登巒山以四望兮好桂樹之冬榮是楚人語也隋山喬嶽周頌般文毛傳嶽山山之賸賸小者也

**重巖****隙****說**謂山形如累兩巖巖也山形狀似之因以

**名云****正義**詩疏引李巡云隙阪也孫炎云山基有重

云小山別大山曰巖巖也餓也餓一孔者巖形孤出處似之也是巖木山名重巖則爲隙也**說**謂山至名云

**正義**郭氏舉類以曉人也方言云餓自關而東謂之巖鄭註考工記云巖無底餓說文云巖餓也一穿

曰巖釋文引字林云隙山形似重餓與郭義同

**左右有岸****居****說**夾山有岸**正義**說文云巖岸也左右有

同風云上高巖之峭岸兮謂山岸也玉篇云居曰台切山夾有岸又有壑字口合切廣韻云居曰答切山

左右有岸錢詹事云當作屨說文云屨閉也

大山宮小山霍註宮謂圍繞之禮記曰君爲廬宮之是

也小山別大山鮮註不相連正義此辨大山小山相

圍繞小山者名霍郭氏註中山經云案爾雅大山繞

小山爲霍今平陽永安縣盧江濤縣晉安羅江縣河

南鞏縣皆有霍山明山以霍名者非一矣郭氏引爾

雅易宮爲繞俾人易曉也酈道元水經註於霍山下

引爾雅曰大山宮小山曰霍是也盧江水下引爾雅

云大山曰宮謂宮亭之名蓋起於此失其句讀矣小  
山別於大山者名鮮釋文引李巡云大山少故曰鮮  
大雅皇矣云度其鮮原毛傳用爾雅逸周書和寤解  
王乃出圖商至于鮮原卽詩所云鮮原矣公劉云陟  
則在嶽毛傳嶽小山別於大山也是毛以鮮嶽爲一  
字也釋名鮮作獻所見本異註禮記至宮之。正義  
喪大記文鄭註宮謂圍障之也郭引以證宮有圍繞

之義也喪大記又云君大夫士皆宮之。不相連。

**山絕**

**經連** 山中斷絕

**正義** 詩疏引孫炎云別不相連也郭註本孫炎說文云經山絕坎也左氏

史記楚世家作兵侵楚至經山戰國策云楚地有分

經之塞又云韓南有經山昔指今新鄭縣西南之經

山也淮南地形訓以井經爲九塞之一趙世家云與

之經徐廣云經者山絕之名常山有井經中山有苦

經元和郡縣志引述征記云太行山首始於河內自

河內北至幽州凡有八經第一曰軹關經第二太行

多小石礮

**註**

多礪礪多大石礪

**註**

多礪石

**正義**

說文云

也崑山多大石也釋名云山多小石曰礪礪也厚

石堯堯獨處而出見也山多大石曰崑崙學也大石

之形學學然也礲首作教小雅車攻云搏獸于敖左  
氏宣十二年傳晉師在敖郟之間杜註敖郟二山名  
水經註引述征記作礲礲南史俱作礲礲註多礲  
礲。正義說文云礲小石也釋名云小石曰礲小石  
相支註其間析析然山內氣也衆經音義引通俗文  
云地多小石謂之礲礲。多礲石。正義玉篇云礲  
大石也礲本亦作盤楊倬  
荀子註盤石盤薄大石也

多草木岫無草木岫

註皆見詩

正義說文云岫山有草  
木也岫無草木也釋名

云山有草木曰岫岫岫也人所情取以爲事用也山  
無草木曰岫岫岫也無所生出也釋文引三蒼字林  
聲類並云岫猶岫岫也皆見詩。正義魏風陟岫云  
陟彼岫兮又云陟彼岫兮毛傳山無草木曰岫山有  
草木曰岫與爾雅正相反孔疏以毛傳  
爲傳寫誤也詩釋文云王肅依爾雅

山上有水埒

註有淳泉

正義釋名云山上有水曰埒埒  
脫也脫而下流也釋工云水潦



所還埽工郭註以為有界埽水則此山上有水亦當有界以限之也淮南齊俗訓云獬豸得埽防高誘註

埽水埽也

夏有水冬無水梁註有淳潦正義說文云夏有水冬無

縣志兗州泗水縣有漏澤漏穴有五昔方丈餘深二丈以上其澤每夏積水秋冬漏竭將漏之時居人知

之不過三日漏水都盡是其類也註有淳潦。正義郭以潦水易盈易涸猶釋工以水潦所止為坭也

山積無所通谿註所謂窮積者積無所通與水注川同

名正義說文云谿山積無所通者是木於雅訓也杜預左傳註云谿亦澗也與此義殊註所謂至同名

引李巡云山中水積雖無所通與水注川同名郭註

本李巡兼引釋工之文相證明也

石戴土謂之崔嵬註石山上有土者土戴石爲硯註土

山上有石者

正義周南卷耳云陟彼崔嵬又云陟彼

土者又云土山上有石者是郭註所本也毛傳崔嵬  
土山之戴石者石山戴土曰硯與爾雅正反孔疏以  
爲傳寫之誤然說文云嵬石戴土也釋名云石戴土  
曰嵬嵬臚然也土戴石曰崔嵬因形名之也俱本毛  
傳疑所見本異也說文又云阨  
石山戴土也亦所以廣其名

山夾水澗陵夾水瀆註別山陵間有水者之名

正義左傳疏引

李巡云山間有水者名澗釋名云山夾水曰澗澗間  
也言在兩山之間也廣雅云澗間也衛風云考槃在  
澗釋文引韓詩澗作干云堦堦之處也詩序亦以爲  
賢者退而窮處蓋兩山夾水沙土堦堦境宇迫隘惟  
頽人處之適覺其寬爾左氏隱二年傳云澗谿沼  
址之毛杜註谿亦澗也孫子云凡地有絕澗註云水

深大者爲絕澗杜氏以谿爲澗是深大之澗也陵  
間夾水者名澗釋文云本又作虞案虞又通作澗

山有穴爲岫

**註**

謂巖穴

**正義**

說文云岫山穴也猶文作

岐下陶窾陶穴謂於地旁巖築下爲室若陶窾然也  
需卦爻辭云出自穴王弼註穴者陰之路也孔子問  
居云山川出雲  
山雲出於岫也

山西曰夕陽

**註**

暮乃見日山東曰朝陽

**註**

旦卽見日

**正義**

大雅公劉云度其夕陽卷阿云于彼朝陽此釋之也  
書疏引李巡云山西暮乃見日故曰夕陽山東朝乃  
見日故曰朝陽詩疏引孫炎云夕乃見日朝先見日  
釋名云山東曰朝陽山西曰夕陽隨日所照而名之  
也秋官柞人疏引爾雅云山南曰陽山北曰陰蓋釋  
爾雅者之舊說穀梁倍二十八年傳云水北爲陽  
南爲陽山雅訓  
而推廣之也

泰山爲東嶽

**註**

在奉高縣西北華山爲西嶽

**註**

在宏農

華陰縣西南霍山爲南嶽

**註**

在衡陽湘南縣南今在

廬江潯縣西卽天柱山潯水所出也漢武帝以衡山

遼曠因讖緯皆以霍山爲南嶽故移其神於此今其

土俗人皆呼之爲南岳南岳本自以兩山得名非從

近也而學者多以霍山不得爲南岳又言從漢武帝

始乃名之如此言爲漢武在爾雅前乎斯不然矣恒

山爲北嶽

**註**

恒山在常山上曲陽縣西北嵩高爲中

嶽

**註**

大室山也正義此後世所稱之五嶽也史記封

禪書引尚書而釋之日歲二月東巡

狩至于岱宗岱宗泰山也五月巡狩至南岳南岳衡山也八月巡狩至西岳西岳華山也十一月巡狩至北岳北岳恒山也又增益其文曰中岳嵩高也是漢初諸儒以嵩高配五岳之數後世仍之至今不改詩疏引孫炎說霍山當作衡山字之誤也郭氏則以一山而二名白虎通義云嶽者何謂也嶽之言狝也狝功德也東方爲岱宗者何言萬物更相代於東方也南方爲霍山者何霍之爲言護也言太陽用事護養萬物也西方爲華山者何華之爲言獲也言萬物成熟可得獲也北方爲恒山者何恒者常也萬物伏藏於北方有常也中央爲嵩高者何嵩言其高大也說文云嶽東岱南霍西華北恒中泰室王者之所以巡狩所至此言漢制也風俗通義云東方泰山詩云泰山巖巖魯邦所瞻尊曰岱宗岱者長也萬物之始陰陽交代雲觸石而出膚寸而合不崇朝而徧雨天下其惟泰山乎故爲五嶽之長南方衡山一名霍霍者萬物盛長垂枝布葉霍然而大西方崑山崑者華也萬物滋然變華於西方也北方恒山恒者常也萬

物伏藏於北方有常也中央曰嵩高高者高也詩云  
嵩高惟嶽峻極于天嶽者勇功考德黜陟幽明也此  
以漢制傳合雅訓故以衡霍爲一山也孔穎達定從  
嵩高爲中嶽而以西嶽岳山爲非且爲之說曰若必  
據已所都以定方岳則五岳之名無代不改何則軒  
居上谷處恒山之西舜居蒲坂在華陰之北豈當據  
已所在改岳祀乎今案孔說非也古者五岳之祀豈  
以侈言封禪刻石檢玉引爲受命之符乎夫固將因  
望秩之文修肆覲之禮行慶讓黜陟於天下也唐虞  
三代衆建諸侯日覲班瑞羣后述職天子選舉五載  
一巡守之典以考禮正刑一德巡狩所至必於名山  
穹隆之望爽塏之虛聚一方所觀瞻致其明禋修其  
典禮稱功考德慶讓遂行唐虞以霍太山爲岳是爲  
中岳名見禹貢而不著於帝典者霍太山在冀州帝  
都之內非巡狩所至故畧而不言周營成周華山在  
王畿之內故爲中嶽西方諸侯必當有朝覲之所故  
吳嶽爲西嶽周室旣衰典章淪墜春秋之始鄭伯以  
泰山之祊易許田而巡狩之禮廢春秋之末季氏旅

於泰山而望祀之禮亦廢吳嶽屬於秦衡山屬於楚  
 儒者局於所聞毀所不見說五嶽者紛然設亂因國  
 語崇山之文而增益為嵩高因嵩高之名而傳會於  
 詩之崧高維嶽遂以崧高為中岳之名豈知詩所謂  
 崧高惟嶽者固指四嶽而言哉或謂五嶽所在唐虞  
 周漢屢易其方然則後世亦可別指一山以為嶽乎  
 斯又有所不可也夫周立西嶽異於唐虞非好為更  
 易也因封建之制也封建既廢則嶽祀當視其方位  
 王者大一統而昭無外五方裔嶽能興雲雨而有功  
 德者以時秩祀豈必舍往訓而別定其方嶽哉此東  
 岱西華南衡北恒中嵩高所山相沿不改為五嶽之  
 定名也正義在奉高縣西北。正義漢書地理志泰山  
 郡奉高縣有明堂博縣有泰山廟岱山在西北晉仍  
 漢制泰山今在泰安府泰安縣北。在宏至西南。正義  
 州山晉書地理志京兆華陰縣太華山在南有祠豫  
 山在同州府華陰縣南十里。在衡至近也。正義  
 郭云在衡陽湖南縣南者漢書地理志長沙國湖南

縣禹貢衡山在東南荆州山晉書地理志衡陽郡湘  
南縣縣名仍漢舊衡陽郡爲長沙郡所分置也衡山  
在縣南古今所謂南岳也今衡山在衡州府衡山縣  
西郭云今在廬江濤縣西者漢書地理志廬江郡濤  
縣天柱山在南有祠晉仍漢制今濤山在安慶府潛  
山縣西北郭云卽天柱山濤水所出者廣雅云霍山  
謂之天柱今謂之皖公山皖水出焉別流曰濤水合  
流入於江郭云漢武帝移其神於此者史記封禪書  
云上巡南郡至江陵而東登禮濤之天柱山號曰南  
嶽太史公意以天柱山木非南嶽武帝強號曰南嶽  
爾太平御覽引徐靈期南岳記云衡山者五嶽之南  
嶽也其來尚矣至于軒轅乃以濤霍之山爲副焉故  
爾雅曰霍山爲南嶽蓋因其副焉至漢武南巡又以  
衡山遼遠道隔江漢於是乃徙南嶽之祭於廬江濤  
山亦承軒轅副義也案軒轅以濤霍爲副於古籍無  
徵此海上怪迂之士妄引黃帝不足爲信漢武所据  
識緯大率類此矣郭云南岳木自以兩山爲名非從  
近者郭意以衡霍爲一山也尚書大傳有中祀霍山



及奠南方霍山之文大傳爲後人哀集不盡可拈應  
劬謂衡一名霍傳會漢制實則衡之與霍自爲兩山  
通典引三禮義宗云唐虞以衡山爲南岳周氏以霍  
山爲南嶽此見爾雅前後異文求其故而不得強爲  
之詞然未嘗不以衡山霍山爲二山也水經釋禹貢  
山水澤地云霍山爲南岳在廬江潯縣西南衡山在  
長沙湘南縣南是亦以霍山卽爲衡山此山於聲之轉  
前後駁之釋地所云梁山卽爲衡山此山於聲之轉  
也釋山上云江南衡下云霍山爲南嶽卽使衡山別  
名霍山不得一篇之中互舉其名況夫霍之爲義由  
於大山宮小山也今天柱山中峯獨高而前後左右諸  
以宮繞之衡州之衡山則中峯獨高而前後左右諸  
山皆在其下揆諸雅訓則天柱可名之日霍衡山不  
得名之日霍此可以日驗而知也然則爾雅此文何  
以云霍山爲南嶽蓋漢武以後諸儒所竄易也漢初  
儒者增益五嶽之名於釋山篇末與封禪書同武帝  
以後復改衡爲霍以附合時制郭氏不悟其爲竄別  
遂遷就而爲之詞日學者以霍山爲嶽始於漢武將

漢武在爾雅前乎夫爾雅固在漢武以前但郭氏所  
據之本果卽漢武以前相傳之爾雅乎斯不得過信  
今本轉疑古訓也合經傳而總核之冀州之霍山與  
秦衡華恒嵩高漢初相傳之五嶽也秦衡周之五嶽也  
秦衡華恒嵩高漢初相傳之五嶽也秦華霍恒嵩高  
武帝所定之五岳也知漢以前五嶽無定名則不惑  
於羣說之膠膈矣或謂世所傳本定爲漢儒增易得  
毋勇於疑經乎斯又不然禮記或素或青雜以秦語  
左傳其處者爲劉氏明爲漢儒竄入則知漢儒增益  
經文正不必爲之掩護信古善述者斷不以一端之  
失而疑及全經爾○恒山至西北○**正義**漢書地理  
志常山郡上曲陽縣恒山北谷在西北有祠并州山  
晉仍漢制今恒山在定州曲陽縣西北郭註自在奉  
高縣西北至此舊本多闕今據禮記疏及詩疏補入  
○太室山也○**正義**漢書地理志潁川郡密高縣武  
帝置以奉太室山是爲中岳有太室少室山廟古文  
以崇高爲外方山也水經註云合而言之爲崧高分  
而名之爲二室西南有少室東北有太室詩疏引孝

經鉤命決云中岳崧高是漢儒之說也今嵩山在河南府登封縣西

梁山晉望也註晉國所望祭者今在馮翊夏陽縣西北

臨河上

正義

詩疏引孫炎云晉國所望祭也春秋成

也穀梁傳云梁山崩壅遏河三日不流范甯集解云梁山晉之望也楊士助疏云詩云奕奕梁山是韓國之鎮霍陽韓魏晉之地故云晉之望也集解又引鄭君曰望者祭山川之名也謂之晉望者猶左氏哀六年傳云江漢雎漳楚之望也註今在西北○正義漢書地理志左馮翊夏陽縣禹貢梁山在西北晉書地理志馮翊郡夏陽縣梁山在西北今梁山在同州府郃陽韓城二縣境

爾雅正義卷第十二

雨

雅正義卷第十一

齊周校理徐承陽

加二級教習庶吉士充國史館纂修官邵晉涵撰集

水部十二

正義洪範五行一曰水水曰潤下白

陰氣在黃泉之下任養萬物水之言準也養物

平準有準則也說文云水準也北方之行象衆

水並流中有微陽之氣也釋名云水準也準平

物也此篇所釋始於原泉見水之有本也泉之

所出或正或仄或從上下審測地勢俱可得泉

故管子云水者地之血氣如筋脉之通流者也  
文選註引春秋元命包云水者五行始焉元氣  
之湊液也泉之所會爲川周語云川氣之導也  
澤水之鍾也天地成而聚于高歸物于下疏爲  
川谷以導其氣故谿谷溝澮轉相灌注也通川  
回川或決而復入或歸異出同孫子云水因地  
而制形又云水無常行故因其形而別其名也

涉水則爲揭爲厲乘舟則溯洄溯游言濟水之用也水之大者爲四瀆故乾鑿度云四瀆通情優游信潔後漢書註引河圖云天有四表以布精魄地有四瀆以出圖書也四瀆之大者莫若河故於河曲九河釋之較詳

泉一見一否爲澱

**註**

澱纔有貌

**正義**

說文云泉水原也澱瀆也原泉時出而不

舍其有時出有時涸者謂之澱言其泚澱纔有水也論衡是應篇引爾雅作一見一否曰澱今本作爲澱所見本異也說文引爾雅與今本同

井一有水一無水爲瀾

**澆**

山海經云天井夏有水冬

無水卽此類也

**正義**

雜卦傳云井通也易釋文引周書云黃帝穿井世本云化益作井宋

衷云化益伯益也說文云井八家一井象構韓形。鑿之象也洧激水聲也釋名云井清也泉之清潔者

也井一有水一無水曰澗澗也澗有別釋其名焉爲也井以養人而不窮其時見時否者別釋其名焉爲澗澗說文作謂之澗澗註山海至類也正義中山經云祝山其上多非有井焉名曰天井夏有水冬竭是郭所掘也釋山云夏有水冬無水舉此指停潦而言澗澗之井亦復時有無郭氏舉類以曉人也係子云地多陷曲名曰天井此言行軍險地與郭氏所引山海經義殊

濫泉正出正出涌出也註公羊傳曰直出直猶正也沃

泉縣出縣出下出也註從上雷下沆泉穴出穴出仄

出也註從旁出也正義論衡云泉出之異輒有異名此分釋之也○濫泉至涌出也○

說文云濫濫上及下也詩曰畢沸濫泉今大雅桑柔篇作威沸濫泉毛傳涌泉之源所由者深言泉之直出者其勢超涌故說文云涌滕也滕水超涌也釋名云水正出曰濫泉濫衡也如人口有所銜口閭則見

也詩疏引李巡云水泉從下上出曰涌泉呂氏春秋本味篇高原之山其上有涌泉焉隋書地理志襄陵郡梁縣有濫泉蓋後人依爾雅以爲名○沃泉至下出也○曹風云冽彼下泉毛傳泉下流也疏引李巡云水泉從上溜下出釋名云懸出曰沃泉水從上下有所灌溉也案說文云沃溉灌也高懸下溜之泉如相灌溉故謂之沃泉○沈泉至仄出也○小雅大東云有洌沈泉毛傳側出曰沈泉疏引李巡云水泉從傍出名曰沈沈側出釋名云側出曰沈泉沈軌也流狹而長如車軌也說文作厖厖出泉也又云泆水從孔穴疾出也彘側出泉也是側出之泉又名彘也註公羊至正也○**正義**昭五年傳云潰泉者何直泉也直泉者何涌泉也徐彥疏謂此泉直上而出郭意以直訓爲正直上之潰泉卽濫泉也釋名亦云水上出曰涌泉潰泉並是也

涇關流川

**註**

通流過辨回川

**註**

旋流

**正義**

考工記云兩山之間必有川焉

管子度地篇水之出於他水滿流于大水及海者命曰川水說文云川貫穿通流水也虞書曰濟々々距川言深々々之水會爲川也釋名云川穿也穿地而流也淤闕說文作淤辟深水處也玉篇作淤闕通泉

川之回旋者名過辨說文云旋回泉也

**灘反入註**

卽河水決出而復入者河之有灘猶江之有

汜

**正義**水之反入者名灘水經註云反入謂河決復入者也河之有灘猶漢之有潛也元和郡縣志云

灇湖在巴陵縣南一十里爾雅曰河水決出復入者爲灇左傳定公四年吳人敗楚於雍澆五戰入郢卽

此是也是反入之水俱爲灘也註卽河至有汜。正

**義**下文云決復入爲汜郭以江之有汜證河之有灘

明反入卽爲復入也釋名云水從河出曰雍沛言在河岸限內時見壅出則沛然也

**渾沙出註**

今河中呼水中沙堆爲渾

**正義**水中有積沙



云沙水散石也从水从少水少沙見燕肅云渾海中沙也商賈或泛海取捷謂之登渾註今河至爲渾。

**正義**元和郡縣志河南府河陽縣中渾城東魏孝靜

帝元象元年築玉篇云江南人呼水中沙堆爲渾類

篇云江東呼水中沙堆爲渾

渾今河陽縣南有渾城

**汧出不流****註**

水泉潛出便自停成汚池

**正義**水出泉而不達於通川者

爲汧與水決之澤人於渭者同名而異實列子黃帝

篇汧水之潘爲淵管子度地篇水出地而不流者命

曰淵水書釋文引馬融云泉出而不流者謂之潛卽

其類也註水泉至汚池。**正義**郭以汧池之水俱有

泉原而不達於通川故舉類以曉人也說

文云小池爲汧楊倞荀子註汧停水之處

**歸異出同流肥****註**

毛詩傳曰所出同所歸異爲肥

**正義**

註引犍爲舍人云水異出流行合同曰肥案水經註

馬溝水出朝歌城北東流南屈逕其城東又東流與

美滿合美滿水出朝歌西北大嶺下東流逕駱駝谷  
東逕朝歌城北又東南流注馬溝水又東南注淇水  
爲肥泉也鄉道元以所出異所歸同爲肥義本舍人  
與郭氏殊釋名云所出同所歸異曰肥泉本同出時  
所沒潤少所歸各枝散而多似肥者也與郭意同  
毛詩至爲肥。正義曰風泉水云我思肥泉毛傳所  
出同所歸異爲肥泉郭引毛傳省泉  
字水經註引爾雅作歸異出同曰肥

澆大出尾下

**註**

今河東汾陰縣有水口如車輪許濱沸

涌出其深無限名之爲澆馮翊郃陽縣復有澆亦如  
之相去數里而夾河河中階上又有一澆澆原皆潛  
相通在汾陰者人塞其流以爲陂種稻呼其本所出  
處爲澆魁此是也尾猶底也

**正義**說文云澆水浸也  
列子湯問篇壺領之山

有水湧出名曰神漢一源分爲四張湛註山頂之泉曰漢是水之出流盛大而底原深下者謂之漢註今河至是也。**正義**水經註云漢水出汾陰縣南四十里西去河三里平地開源清泉上涌大幾如輪深則不測俗呼爲漢魁古人瘞其流以爲陂水種稻東西二百步南北百餘步與郃陽漢水夾河河中渚上又有一漢水皆相潛通故呂忱曰爾雅異出同流爲漢水其水西北流歷蒲阪西流注於河又云郃陽城北有漢水南去二水各數里其水東逕其城內東入於河又於城內側中有漢水東南出城注於河城南又有漢水東流注於河元和郡縣志云中漢水蒲池漢水與南漢水並注舊河西縣南五里今郃陽界內太平寰宇記云蒲州臨晉縣漢水出縣西三十八里案呂忱所引爾雅與今本殊水之出同歸異者爲肥異山同流者爲漢蓋古義也漢河東郡汾陰縣劉昭注補續漢志引郭註爲證晉因漢制監本晉書地理志作河東郡汾陽縣疑傳寫之訛今爲蒲州府榮河縣漢左馮翊郡陽縣晉爲馮翊郡郃陽縣今爲同州

府郃陽縣監本作名之曰漢呼  
其本所出處無所字今從宋本

水醮曰

**醮註**

謂水醮盡

**正義**

說文云醮盡也沈水厓枯

泉也案說文所引沈厓二字與今本爾雅彼此  
互易玉篇云厓水盡也厓出曰沈泉與今本同

水自河出爲澗

**澗註**

書曰澗沮會同濟爲澆汶爲澗洛爲

波漢爲潛

**潛註**

書曰沱潛既道淮爲潛江爲沱

岷山導江東別爲沱過爲洵潁爲沙汝爲澆

遵彼汝澆皆大水溢出別爲小水之名

**正義**此釋大水溢出別爲

小水之名也河濟淮江詳見下文四瀆汝入於涉洛  
入於河漢入於江潁汝入於淮皆發原注四瀆者  
也其洑出者又別爲小水。水自河出爲澗。上文  
云澗反入此又言水之自河溢出者亦名澗也水經

註河水北與枝津合水受大河東北逕富平城所在  
分裂以溉田圃北流入河之有灘若漢之有潛也  
漢書鄒陽傳申徒狄蹈雍之河顏師古註雍者河水  
溢出爲小流也是水之自河別者俱得名灘矣說文  
云河灘水在宋又云汭水受陳留浚儀陰溝至蒙爲  
灘水東入于泗案說文所云汭水至蒙爲灘水者水  
經所謂濩水也蒙爲宋地故云在宋水經又云東過  
葵陽縣北浪蕩渠出焉註云河水又東逕卷縣北晉  
楚之戰晉軍爭濟舟中之指可掬楚莊祀河告成而  
還卽是處也淮南人間訓楚莊王勝晉於河雍之間  
是菽蕩渠初出卽稱爲灘也水經又云瓠子河出東  
郡濮陽縣北河註云縣北十里卽瓠河口也爾雅曰  
水自河出爲灘是鄆道元以瓠子河爲灘也洪河下  
注因勢曲蟠溢爲小水所在多有後人沿爾雅之文  
凡自河出之水多名灘焉。濟爲澆。水經註云泥  
水西分濟瀆東北逕濟陰郡南爾雅曰濟別爲澆  
水也。汶爲澆。釋文引李巡云澆也漢書地理

志泰山郡萊蕪縣禹貢汶水山西南入涉水經與漢

志同鄆道元云汶水於剛縣西開亭東爾雅曰汶水出

東平陽上承汶水於剛縣西開亭東爾雅曰汶水出

關其猶洛之有波矣是洸水即關水也註又引應劭

曰春秋經書齊人取讎及關今關亭是也杜預春秋

釋地曰關在剛縣北澗當作關○洛爲波○漢書地

理志宏農郡上雒縣禹貢雒水出冢頭山東北流至

鞏入河水經云洛水出京兆上洛縣雒舉山註云洛

水又東門水出焉爾雅所謂洛別爲波也又云門水

即洛水之支流者也洛水自上下洛縣東北於拒陽城

之西北分爲二水枝渠東北出爲門水也是門水即

波水也○漢爲潛○荀子註引李巡云漢水溢流爲

潛禹貢云嶠冢導漾東流爲漢漢書地理志隴西郡

氏道縣禹貢瀼水所出至武都爲漢又云武都郡武

都縣東漢水受氏道水一名沔過江夏謂之夏水入

江書疏引郭氏音義云有水從漢中沔陽縣南流至

梓潼漢壽入大穴中通岡山下西南潛出一名沔水

舊俗云卽禹貢潛也史記正義引拓地志云潛水一

水

名復水今名龍門水源出利州綿谷縣東龍門山大石穴下元和郡縣志緜谷縣潛水出縣東北龍門山書曰沱潛既道是也龍門山在縣東北八十二里太平寰宇記引梁州記蔥嶺山有石穴高數十丈其狀如門號爲龍門今四川保寧府廣元縣北龍門山潛水自此入穴通山伏流重出屈曲流至巴縣入大江卽郭氏音義所云潛水也漢書地理志巴郡宕渠縣潛水西南入江水經與漢志同郾道元云潛水蓋漢水枝分潛出故受其稱爾此別一潛水與郭氏義殊○淮爲濟。漢書地理志臨淮郡淮浦縣游水北入海水經註云淮水於縣枝分北爲游水爾雅曰淮別爲許游水亦枝稱者也。江爲沱。太平寰宇記引李巡云江水溢出爲沱書疏引郭氏音義云沱水自蜀郡都安縣摘山與江別更流漢書地理志蜀郡郫縣禹貢江沱在西北東入大江卽郭氏所云沱水也後人謂之郫江今成都府灌縣東有都安故城。沱爲洵。說文云過水受淮陽扶溝浪湯渠東入淮又云洵過水中也水經註云陰溝始亂蕩蕩終別於沙而

過水出焉。過水受沙水於扶溝縣。爾雅曰：過爲洵。郭景純曰：大水。沃爲小水也。呂忱曰：洵，過水也。水經註：又云：過水，東南逕城父縣，故城北。沙水，又云：新溝，東北注。水上承沙水於思善縣。世謂之章水。又云：新溝，東北注。渠卽沙水也。音蔡許慎正作沙音。楚東有沙水，謂此水也。沙水，東南逕城父縣，西南枝津出焉。俗謂之章水。是郟道。元以章水爲洵水矣。過漢地，理志：潁川郡陽城縣潁水所出。東潁爲沙。漢書地理志：潁川郡潁水自縣西流，注小潁。至下蔡，入淮水。經註：臨潁縣潁水，自縣西流，注小潁。水出焉。爾雅曰：潁別爲沙。郭景純曰：皆大潁水溢出別爲小水之名也。亦猶江別爲沱也。是潁縣小潁水，卽沙水矣。今謂之小潁水。會合潁水於今臨潁縣。小潁水，卽沙水。○汝爲潁。○淮南地形訓：汝出猛山水，東南逕奇雒城。河南梁縣勉鄉。西天息山。註云：汝水東南逕奇雒城。西北潁水出焉。亦謂之大潁水。爾雅曰：河有灘，汝有潁。然則潁者，汝別也。故其下夾水之邑，猶流汝陽之名。是或潁濇之聲相近矣。亦或下合潁。潁兼統厥稱。爾史記正義引括地志云：汝水源出汝州魯山縣西。



伏牛山亦名猛山汝水至豫州郟城縣一名瀆水爾雅曰河有灘汝有瀆亦汝之別名案今郟城縣有大澗水即大澗水也流合於汝即郟道元所謂瀆水矣括地志以瀆爲汝之別名未聞其審說文引爾雅作汝爲涓涓小流也註書曰澗涓會同○正義禹貢充州雷夏既澤雍沮會同史記集解引鄭康成云雍水沮水相觸而合入此澤中地理志云雷澤在濟陰城陽縣西北張守節正義引括地志云雷澤在濮州雷澤縣郭外西北雍沮二水在雷澤西北平地也元和郡縣志云雷澤縣本漢郟陽縣澗水沮水二源俱出縣西北平地去縣十四里是禹貢沈州之澗水不自河出而郭氏引以證河出之澗未如何據司馬貞索隱引爾雅水自河出爲雍以證禹貢澗沮與郭氏同○沱潛既道正義禹貢荆州云沱潛既道史記引作沱潛集解引鄭康成云水出江爲沱漢爲沱索隱云沱亦作潛潛出漢中安陽縣西北入漢梁州云沱潛既道水經註引鄭康成云漢別爲潛其穴本小水積成澤流與漢合大禹自導漢疏通卽爲西漢水

也案漢書地理志安陽縣鬻谷水出西南北入漢索  
隱牯以爲說然鬻谷水尾入漢耳非白漢出也鄭氏  
以西漢水爲潛與郭氏音義同水經註引劉潛之云  
有水從阿陽縣南至梓潼漢壽入大穴暗通岡山亦  
同郭義皆專指梁州之潛而言也○岷山至爲沱○  
**正義**禹貢導水之文也水經云岷山在蜀郡氏道縣  
大江所出漢書地理志云蜀郡江原縣郫水首受江  
南至武陽入江鄭氏以爲沱之類與郭氏所指今爲  
郫江者義殊水經又云江東至華容縣西夏水出  
焉書疏引鄭註云今南郡枝江縣有沱其尾入江首  
不於江出也華容有夏水首受江尾入沔蓋此所謂  
沱也是鄭以夏水爲荆州之沱也○詩曰至汝濱○

**正義**周南文  
毛傳濱作墳

水決之澤爲汧註水決入澤中者亦名爲汧決復入爲

汧註水出去復還正義此釋水決之名也說文云決  
行流也水之決入者俱名爲汧決

出而反入者俱名爲汜後世有汜水汜水蓋依此名  
 ○水決至爲汜○水經註云渭水東逕郁夷縣故城  
 南汜水入焉水出汜縣之蒲谷鄉弦中谷決爲弦蒲  
 藪爾雅曰水決之澤爲汜汜之爲名實兼斯舉又云  
 渭水東南出石門度小隴山逕南田縣南東與楚水  
 合楚水又南流注於渭關駟以是水爲汜水焉按諸  
 地志汜水出汜縣西北蓋以其津流逕通而更攝其  
 通稱矣○決復入爲汜○召南云江有汜毛傳用爾  
 雅說文云汜水別復入水也釋名云水決復入爲汜  
 汜已也如出有所爲畢已而還入也淮南道應訓至  
 於河上而航在一汜是汜之名不專指江水而言矣  
 註水決至爲汜○正義郭云亦名爲汜所以別於上  
 文之汜出而不流者也  
 古汜水今謂之汜陽河

河水清且漣漪大波爲瀾註言渙瀾小波爲淪註言蘊

淪直波爲俚註言俚澁正義魏風伐檀云河水清且  
 漣漪又云河水清且直倚又

云河水清且淪漪此釋之也疏引李巡云分別水大小曲直之名大波爲瀾者說文云瀾或从連是連卽瀾之或體字也徐鉉云今俗音力延切毛傳風行水成文曰漣釋名云風吹水波成文曰瀾瀾連也波體轉流相及連也小波爲淪者釋文引韓詩云廩流而風曰淪毛傳小風水成文轉如輪也釋名云水小波曰淪淪倫也水文相次有倫理也直波爲徑者毛傳直直波也釋名云水直波曰涇涇徑也言如道徑也說文云波水前流也此引詩而釋之不盡

引者省文

**說**言徑

**正義**

宋本作徑

江有沱河有澗汝有瀆

**註**此故上水別出耳所作者重

見**正義**詩疏引李巡云江河汝旁有肥美之地是李巡以此爲地名與上文大水溢出別爲小水者異也劉昭續漢志註引地道記汝南郡汝陰縣有陶正鄉詩所謂汝墳墳爲地名是其證郭以爲重見不從

李義

濟水厓

**註**

水邊地

**正義**

釋正云岸上濇又云涘爲厓與此相證明也說文濟淡濇瀨四字俱

云水厓也所以廣異名

水草交爲涓

**註**

詩曰居河之涓

**正義**

秦風毛傳涓水隙也疏引李巡云水中有

草木交會曰涓水經註引健爲舍人云水草木交會也釋名云水草交曰涓涓眉也臨水如眉臨目也水經川歸之處也**註**詩曰至之涓○**正義**小雅巧言文今本涓作麋古字通左氏僖二十八年傳云余賜女孟諸之麋太平寰宇記云虞城孟諸澤俗呼爲涓臺

濟有深涉

**註**

謂濟渡之處深則厲淺則揭揭者揭衣也

**註**

謂寒裳也以衣涉水爲厲

**註**

衣謂禪絲膝以下爲

揭絲膝以上爲涉絲帶以上爲厲

**註**

絲自也

**正義**此引鄉風

匏有苦葉之詩而釋之也左傳疏引李巡云濟渡也  
水深則厲水淺則揭衣渡也毛傳曰厲孫  
炎云揭褰衣裳也以衣涉水滿禪也毛傳曰  
爲涉以衣涉水爲厲謂由帶以上也揭褰衣也  
云傳不引爾雅由膝以下爲揭者畧耳爾雅以深淺  
無限故引詩以由帶以上由膝以下若以上則褰衣不  
可厲也揭者褰衣止得由膝以下若以上則褰衣不  
得渡當須以衣涉爲厲也見水不沒人可以衣渡故  
言由帶以上其實以由膝以上亦爲厲因文有三等  
故言由膝以上爲厲者以揭衣褰衣止由膝以下明膝以上  
膝以上爲厲者以揭衣褰衣止由膝以下明膝以上  
至由帶以上總名厲也案厲揭之義自來釋詩者無  
異說惟說文引詩作深則砥解云履石渡水也砥或  
作澗毛鄭詩考正引水經註河水篇云段國沙洲記  
吐谷渾於河上作橋謂之河厲此可證橋有厲之名  
詩之意以淺水可褰衣而過若水深則必依橋梁乃  
可過喻禮義之大防不可犯衛詩淇梁淇厲並稱厲  
固梁之厲也伸說文以匡爾雅其說辨矣然古字假

借義相貫通不得專主一解衛風言淇厲無妨橋有厲名至於深則厲之文當從雅訓不可易也何則漢世司馬相如劉向竝是小學名家相如上林賦云越壑厲水大人賦云橫厲飛泉以正東劉向九歎云櫂舟杭以橫厲兮又云橫汨羅以下瀉王逸云瀉渡也由帶以上爲瀉是相如劉向俱宗雅訓不以厲爲履石渡水也列子說符篇懸水三十仞圍流九十里有云至心曰厲謂之至心卽所云由帶以上是獨毛傳本爾雅韓詩亦與爾雅同義也許氏撰五經異義主於各推所長合其要歸故說文引經文間存異義要皆折衷於爾雅其解涉字云徒行厲水也是許氏未嘗不以厲爲以衣涉水矣詩之意以涉水尚當度其淺深矧居室可踰越於禮義乎反喻見意不必因履石渡水之解而傳合於橋梁也

**註**

**正義**

釋名云禪貫也貫兩脚上繫要中也郭氏以禪爲衣

義本孫炎○蘇自

也○**正義**釋詁文

潛行爲泳

**註**

水底行也晏子春秋曰潛行逆流百步順

流七里

**正義**

釋言云泳游也此復申釋其義也周南

行水中也潛涉水也一曰藏也劉子黃帝篇商正開

復從而泳之張湛註水底潛行曰泳**註**晏子至七里

○**正義**晏子春秋所載古帝子之詞也今本晏子春

秋作順流九里註引作七里蓋所見本異也詩疏引

汎汎楊舟緇縹維之緇粹也

**註**

粹索縹緜也

**註**

緜繫

此引小雅采菽之文而釋之也毛傳緇粹也縹緜也  
是据爾雅爲義粹與縹同縹與縹同說文云緇亂系  
也粹縹屬詩疏引孫炎云粹大索也李巡云粹竹爲  
索所以維持舟者又引孫炎云舟止繫之於樹木戾  
竹爲大索是緇粹木絲索之屬戾竹爲大索亦爲緇  
也詩釋文引韓詩云纏笮也釋名云引舟者曰笮笮



作也作起也起舟使動行也筏與綏義同可以起舟  
使動行亦可繫舟而維持之矣劉向九歎云漭楊舟  
於會稽兮楊木之舟輕而易浮必竹筏維繫以制其  
行孔疏云紼訓爲綵綵是大經綱訓爲綏綏又爲繫  
正謂舟之止息以  
經繫而維持之

天子造舟註比舩爲橋諸侯維舟註維連四舩大夫方

舟註併兩舩士特舟註單舩庶人乘泝註併木以渡

正義說文云舟船也古者共鼓貨狄瓠木爲舟剡木  
爲楫以濟不通釋名云舟言周流也白天子至於庶  
人舟各有制鄭箋云天子造舟周制也殷時未  
有等制疏引王基云白殷以前質畧未有造維方特之  
周公制禮因文王敬太姒重初昏行造舟遂卽制之  
以爲天子禮著尊卑之差以爲後世法○天子造舟  
○大雅大明云造舟爲梁毛傳用爾雅方言云船舟  
謂之浮梁郭氏彼註云卽今浮橋公羊疏引舊說云

以舟爲橋詣其上而行過故曰造舟言以舟爲梁故  
謂之造造成也詩疏云造舟者比船於水加板其上  
卽今之浮橋故杜預云造舟爲梁則河橋之謂也周  
制唯天子得用造舟左傳載泰公子鍼造舟於河周  
禮之末失也○諸侯維舟○詩疏引李巡云中央前  
後相維持曰維舟○公羊疏引爾雅音義云維持使不  
動搖也○大夫方舟○釋言云方舟也此又釋其制  
也方言云方舟謂之潢郭氏彼註云揚州人呼渡津  
船爲潢荆州人呼杭音橫管子小匡篇遂至於西河  
方舟設附○士特舟○淮南子論調窬木方版以爲  
舟航高註窬空也方竝也空其中連其版後世所謂  
扁舟也○庶人乘洧○釋言云洧洧也此又釋其制  
也詳見上文○**義**比舟爲梁維舟者孫炎云維連四船方舟者李巡云  
併兩船曰方舟特舟者李巡云一舟曰特舟洧者李  
巡云編木以渡別尊卑也俱見公羊疏是郭註所本  
也詩疏又引李巡云此其舟而渡曰造舟釋文  
引郭圖云天子竝七船諸侯四大夫二士一

水注川曰谿注谿曰谷注谷曰溝注溝曰澮注澮曰瀆

**註**此皆道水轉相灌注所入之處名正義此辨水所

水之大者爲川瀆各爲小水所灌注也。○水注至曰谷。○左傳疏引李巡云水出於山入於川曰谿。公羊疏引李巡云水相屬曰谷。谿澗出於山故孟子云固國不以山谿之險。谿水能自達於大川故曰注。川管子度地篇山之溝一有水一毋水者命曰谷。水是谷水又小於谿故公羊傳云無障谷欲其能注谿也。○注谷至曰瀆。○山谷水有不盡注於谿者則注於溝。自溝注於澮自澮注於瀆釋名云水注谷曰溝田間之水亦曰溝。溝構也。從橫相交構也。注溝曰澮澮會也。小溝之所聚會也。太平御覽引舊註云水流不絕曰瀆。考工記匠人云廣四尺深四尺謂之溝。廣二尋深二柶謂之澮。澮水注於瀆與川相通也。**註**此皆至處名。○**正義**詩疏引舊註云皆以小注大大小異名。郭氏上林賦註云自谿及瀆皆水相通注也。言其

水相貫  
通也

逆流而上曰汭  
順流而下曰汭游

**註**皆見詩  
**正義**說文云逆

流而上曰游  
溯游向也水欲下達之而上也  
汭或作  
溯又云汭浮行水上也  
文選註引三合云汭水轉也  
詩疏引孫炎云逆渡者逆流也  
順渡者順流也  
左氏文十年傳云沿漢汭江杜註汭逆流也  
莊十八年傳云閭故游洄而逸杜註游洄水而走詩疏云逆順流皆謂渡水有順逆也  
**註**皆見詩  
**正義**秦風蒹葭云逕洄從之毛傳用爾雅又云逕游從之毛傳順流而涉曰逕游

正絕流曰亂  
**註**直橫流也書曰亂于河

**正義**大雅公劉云涉渭爲亂疏

引孫炎云直橫渡也孔穎達云水以流爲順橫度則絕其流故爲亂  
**註**直橫至于河  
**正義**直者正也郭

所引書禹貢  
樂州之文

江河淮濟爲四瀆四瀆者發源注海者也

**正義**史記引古文湯誥云

古禹臯陶久勞於外東爲江北爲濟西爲河南爲淮  
四瀆已修萬民乃有居是禹奠大川四瀆已有定名  
觀禮云禮月與四瀆于北門外王制云四瀆視諸侯  
大宗伯言祀五岳不言四瀆鄭註以爲省文是也白  
虎通義云瀆者濁也中國垢濁發源東注海其功著  
大故稱瀆也風俗通義云尚書大傳禮三正記江河  
淮濟爲四瀆瀆者通也所以通中國垢濁民陵居殖  
五穀也江者貢也珍物可貢獻也河者播爲九流出  
龍岡也淮者均也均其務也濟者齊也齊其度量也  
釋名云江公也小水流入其中所公共也淮聞也聞  
繞揚州北界東至海也河下也隨地處而通流也  
濟濟也源出河北濟河而南也海晦也主承垢濁其  
水黑如晦也廣雅云河何也餘所釋名義與風俗通  
義同四瀆發源注海者禹貢云導河積石岷山導江  
導沅水東流爲濟導淮白桐柏此言其施功所在也  
河出昆侖虛詳見下文漢書地理志蜀郡湔氐道禹

貢嶧山在兩淮外江水所出東西至江都入海東南  
郡平氏縣禹貢桐柏大復山在東南淮水所出東南  
至淮陵入海河東郡垣縣禹貢王屋山在東北沔水  
所出東南至武德入河軼出滎陽北地中又東至琅  
槐入海江河水淮濟力能挾眾小水以獨注於海故稱  
潰焉管子度地篇水之出於山而流入於海者命曰枝水是四  
經水水別於他水入於大水及海者命曰枝水是四  
潰皆經水也諸小水之入於大水及海者皆枝水也經枝既  
辨廣有所滄諸旁有所疏洩順其間下之性由地中  
行故民得居安土自周末水官失職列國多設隄防  
控高扼下中塞旁溢水失其性妄行傷人常至危始  
遷移潰決史不絕書枝水時見時竭經水亦失其故  
潰矣今江源出四川松潘衛邊徽外西番地之岷山  
至江南通州入海淮源出河南南陽府桐柏縣西南  
桐柏山至江南清河縣與河合流至安東縣入海濟  
源出河南懷慶府濟源縣之王屋山至武陟縣入於  
河說文源作原云水泉本  
也徐鉉云今別作源非是

水泉

正義題

上事也易云山下出泉孟子云原

五尺而至於泉呼聲中角其水倉四七二

八尺而至於泉呼音中商其水白而甘三七

二七十一尺而至於泉呼音中宮其泉黃而糗

尺而至於泉呼音中徵其水黑而苦是泉出

之殊也水地篇云水者何也萬物之本原也

氏讚云川瀆綺錯渙湖流帶潛澗旁通經營

華外殊出同歸混之東會

水中可居者曰洲

正義說文云水中可居曰州周禮其

土故曰九州詩曰在河之州徐鉉曰今別作洲非是

釋名云水中可居者曰洲洲聚也人及鳥獸所聚息

之處也詩疏引李巡云四方皆有水中可居者

釋文引郭圖

經音義引孫炎云水有平地可居者也釋文引郭圖

云水中自然可居爲洲方言云水中可居爲洲三輔  
謂之於蜀漢謂之漿郭氏彼註云上林賦曰行乎洲  
於之浦也又上林賦註  
云淤亦州名蜀人云

小洲曰渚

**正義**召南云江有渚毛傳渚小洲也水歧成  
渚釋文引韓詩云一溢一否曰渚釋名云小

洲曰渚渚遮也體高能遮水使從旁廻也高誘淮南  
註云水中可居者曰渚是渚又爲水中可居之通名

故禮運云不使渚者居中  
原釋文云渚字又作渚

小渚曰沚

**正義**召南采芣云于沼于沚釋名云小渚曰  
沚沚止也小可以止息其上也文選註引韓

詩宛在水中小沚薛君章句大  
渚曰沚大字疑傳寫之訛

小沚曰坻

**正義**秦風蒹葭云宛在水中坻鄭箋坻水中  
之高地也釋名云小沚曰坻坻遲也能小過

水使流  
遲也



人所為為滈

**註**

人力所作

**正義**

太平御覽引舍人云人

人亦於水中作洲而小不可止住者名滈水中地也

釋名云人力所為之曰滈滈術也堰使水鬱術也魚

水中

**正義**

題上事也詩疏云江有渚傳云小洲

雅為說也采繫傳曰泚渚鳧鸞傳曰渚泚互

言以曉人也兼葭傳云泚小渚也不言泚者

泚渚大小異名耳泚亦小於渚故舉渚以言

之是則洲渚泚泚皆水中高地雖大小異名

可以互用故說文云

河出崑崙虛色白

**註**

山海經曰河出崑崙西北隅虛山

下基也發源處高深峻湊故水色白也

**正義**

釋正云

三成為崑崙

北崑崙山以三重得名爾雅言河水所出不曰崑崙  
之山而曰崑崙之虛言其地也書疏引李巡云昆侖  
山名虛山下地也釋文引李巡云河水始出其色白  
也孫炎說與李巡同又云白者西方之色也離騷云  
朝吾將濟于白水兮登閭風而縹馬白水謂河源之  
色白也河源所出之山唐人謂之紫山新唐書吐蕃  
傳劉元鼎使吐蕃還記其經見曰由洪濟梁西南行  
二千里水益狹春可涉秋夏乃勝舟其南三百里三  
山中高而四下曰紫山直大羊同國古所謂崑崙者  
也東距長安五千里河源其間流潏緩東北直莫賀  
延碛尾殆五百里廣五十里北自沙州西南入吐谷  
渾寢狹故號碛尾隱洩其地蓋劔南之西今西寧府  
界西南千四百餘里有大山厥色紫黑是產金銀唐  
人所謂紫山稱斯名矣自紫山以西又南迤西連諸  
山綿亘二千里其卽古崑崙之虛與註山海至白也  
○正釋文引郭氏音義云西本紀及山海經皆云  
河出崑崙山漢書曰張騫使西域窮河源其山多玉  
石而不見崑崙也世人皆以此疑河不出崑崙案山

海經曰東望渤澤河水之所潛也其源渾渾泡泡又  
云敦夢之水注于渤澤出于崐崙之西北隅實惟河  
源也西域傳又云柯有兩源一出葱嶺山一出于闐  
于闐在南山下其河北流與葱嶺之河合東注鹽澤  
鹽澤一名蒲昌海去玉門陽關三百餘里輪廣三四  
百里其水亭居冬夏不增減皆以爲潛行地下而南  
出於積石山而爲中國河云然則河出崐崙便潛行  
地下至葱嶺及于闐復分流歧出也張騫所見蓋謂  
此矣其去崐崙里數遠近所未得而詳也渤澤卽鹽  
澤也案今木山海經作出於崐崙之東北隅水經註  
引山海經與今木同郭氏引作西北隅疑傳寫之訛  
蒲昌海去玉門陽關三百餘里水經註作千三百里  
漢書脫千字郭氏音義亦仍其脫文也河源自紫山  
延縣而西北抵蔥嶺山海經所云西海之南流沙之  
頰赤水之後黑水之前有大山名崐崙之正蓋不誣  
矣紫山直今河州積石關外千四百餘里行程二千  
七百餘里監本脫發源以下十四字今據釋文增入  
書疏引郭註云發源高處激湊故水色白與釋文所

引字句微異釋文又引郭氏圖讚云隄喻三層號曰天柱實惟河源水之靈府

所渠并千七百一川色黃註潛流地中汨漱沙壤所受

渠多衆水濶滄宜其濁黃正義說文云渠水所居釋

錯相穿故曰川也廣韻引蔡邕月令章句云衆流注

海曰川水經註引揚泉物理論云河色黃者衆川之

流蓋濁之也史記大宛傳張騫使西域還爲天子言

于寘之西水皆西流注西海其東則東流注鹽澤

謂星宿海也河源自出紫山東南流屢折而東至星

宿海約三百里星宿海遠以衆山平地有泉千百湖

東南百餘里至大嶺下又南百五十里地皆沙磧細泉鉅澤分合不常衆流汨漱水漸變緣而黃又東南流屈曲七百餘里遶大雪山之南大雪山卽禹貢之

積石矣又東北入河州歸德堡邊始名黃河又東北  
逕小積石山南唐宋以來所名之積石也水經註謂  
之唐述山塞外水無定名其流入於河者不可枚舉  
自入中國則渭洛汾漳諸大水各合小水以達於河  
川渠交併混混同流故水經註引考異郵云河者水  
之氣四瀆之精也註云潛流地中受渠衆多渾濁故水色黃與今本字  
句微異今鹽澤南積地數百里往往有小水上出成  
澤是潛行地中之證也釋  
文引字林云汨水聲急也

百里一小曲千里一曲一直註公羊傳曰河曲流河千

里一曲一直正義釋文引李巡云水勢小曲乃大直

極也故曰千里一曲一直河源自紫山至歸德堡邊  
凡三大折流二千三百餘里又東流四百里逕小積  
石山又東北流千四百里至寧夏府出塞又自東而  
南八百餘里至平魯縣入塞又南流二千五百餘里

至於華陰折而東流出三門過底柱又東南逕孟津  
白孟津以下水道移徙非復禹蹟之舊矣河隨地爲  
曲折千里百里約言之也註公羊至一直○正義文  
十二年傳云河曲疏矣河千里而一曲也何休註云  
河曲流郭氏兼采傳註以證河流

河曲

也

正義

題

上

事

也

水

經

註

引

春秋

說

題

辭

云

孝

云

經援神契云河者水之伯上應天漢新論云  
四瀆之源河最高而長從高注下水流激峻  
故其流急禹貢言導河始於積石下淮源地形  
訓遂云河出積石是以施功所積石爲河源矣  
言河源者山海經多傳聞異詞惟爾雅爲最  
古太史公引禹本紀言河出崑崙是爾雅所  
本也後世窮河源者屢易其名然譯音多與  
崑崙相近則知爾雅之義不可易矣塞外沙  
磧水流無定形水名無定稱故渠并之水其  
數終不可得而詳河勢善曲凡沿河而行俱

謂之河曲

**徒駭**

**註**今在成平縣義所未聞

**正義**書疏引李巡云徒駭者禹疏九河以徒衆

起故曰徒駭係炎云徒駭禹疏九河用功雖廣衆懼不成故曰徒駭

**註**今在至未聞。○**正義**晉書地理志博陵國安平縣郭氏言徒駭所托據漢書許商之言也今河間府交河縣東有漢成平故城書疏云禹陳

九河云復其故道則名應先有不宜徒駭太史因禹立名此郭氏所以未詳也或九河雖舊有名至禹治

水更別立名卽爾雅所云是也

**太史**

**註**今所在未詳

**正義**書疏引李巡云太史禹大使徒衆通其水道故曰太史詩疏引

孫炎云太史者大使徒衆故依名云釋文引或云太史者史官記事之處導河書云太史在德州安德縣

東南經滄州臨津縣西未之詳也

**馬頰註**

河勢上廣下狹狀如馬頰

**正義**

通典云馬頰在平原郡界元和郡縣

志云德州安德縣馬頰河在縣南五十里

**正義**釋文引李

巡孫炎云河勢上高下狹狀如馬頰也是郭註所本也

**覆釜註**

水中可居往往而有狀如覆釜

**正義**通典云覆釜在平原郡界

導河書云覆釜在永濟軍阜城縣東經東光縣西北

注水中至覆釜。覆釜詩疏引李巡云覆釜者水多

渚其潛往往而處狀如覆釜釋文引孫炎云水中多

渚往往而有可居之處狀如覆釜之形郭氏音云舖

古釜字監本郭註作水中可居而有狀如覆釜

**胡蘇註**

東光縣今有胡蘇亭其義未詳

**正義**詩疏引李

水下流故曰胡蘇胡下也蘇流也孫炎云胡蘇者水

流多散胡蘇然顏師古漢書註云胡蘇下流急疾之



貌也。**註**東光至蘇亭。**正義**郭氏據許商之言以亭

名爲證也。漢書地理志渤海郡東光縣有胡蘇亭。晉

仍漢制。今河間府東光縣有漢東光故城。監本光

作堯書疏引郭註作光。宋本亦作光。本或作堯誤。

**簡註**水道簡易。**正義**書疏引李巡云簡大也。河水深而

大也。詩疏引孫炎云簡者水通易也。史

**絜註**水多約絜。**正義**書疏引李巡云絜言河水多山石

約絜輿地廣記云簡絜在臨津。

**鉤般註**水曲如鉤流般桓也。**正義**書疏引李巡云鉤盤

也。釋文云李本作般云水曲如鉤折如人般故曰鉤

般。陸氏所見李巡本與書疏異。詩疏引孫炎云水曲

如鉤般桓不前也。釋文引郭氏音義云高般今皆爲

縣屬平原郡。案漢書地理志平原郡般縣。顏師古註

引爾雅郭註爲證通典云鉤盤在景城郡元和郡縣志棣州陽信縣鉤盤河經縣北四十里太平寰宇記滄州樂陵縣鉤盤河在縣東南五十里

**隔津**

水多阨狹可隔以爲津而橫渡

**正義**

漢書地理

平當以爲隔津詩疏云徒曠是九河之最北者隔津是九河之最南者爾雅之文從北而說也太史馬頰鉤盤文在胡蘇之上則三者成平之南東光之北也簡絜覆釜文在胡蘇之下則三者成平之南隔縣之北也按九河次第詩疏以鉤盤列第四覆釜列第八陸氏釋文以覆釜列第四鉤盤列第八所見本異也隔津故城在今德州北註水多至橫渡正義津疏引李巡云隔津者河水狹小可隔曰津故曰隔以爲津而橫渡也是郭註所本也

**九河**

**正義**

題上事也禹貢云九河既道又云北播爲九河同爲逆河入於海墨子兼愛篇

灑爲九澮淮南要畧云禹之時天下大水禹  
身執藥垂以爲民先別河而道九岐高誘註  
別洩去也九岐河水播岐而爲九以入海也  
莊子釋文云河從乾位來乾陽數九也漢書  
溝洫志許商以爲古說九河之名有徒駭胡  
蘇高津今見在成平東光鬲界中自鬲以北  
至徒駭間相去二百餘里今河雖數移徙不  
離此域後世言九河者唯許商之說爲可徵  
信故郭氏以爲據也釋文引郭氏音義云周  
時齊桓公塞九河并爲一自鬲津以北至徒  
駭二百餘里渤海東莞成平原河間弓高  
以東往往有其處焉案郭氏音義本鄭康成  
書註爲說也書疏引春秋緯寶乾圖云移河  
爲界在齊呂填過八流以自廣公羊疏引尚  
書中候云齊桓之霸過八流以自廣是鄭郭  
所本也八流既塞則河流併歸徒駭合九爲  
一旁無所洩中不能容至周定王五年河徙  
河患始此矣鄭云今河間弓高以東至平原

禹盤往往有其遺處焉郭氏復述其言是漢  
晉之間九河遺處尚未盡湮但陵谷遷移難  
求實跡故酈道元謂沙丘堰以北館陶慶陶  
貝丘高般廣川信都東光河間樂成以東城  
地並存川瀆多亡又云九河既播八枝代絕  
遺跡故稱往往時存故酈盤列於東北徒駭  
漕連漳絳同逆之狀疆分岐障之會猶存酈  
氏祇疏明泲水於九河遺跡不盡述其故稱  
蓋其慎也唐朱以役推尋地望九河所在務  
求備徵或取證單辭或併無左驗學者疑焉  
今聊述舊聞不加別擇唐人所述差爲近之  
緬懷禹蹟八枝雖遷經流故道宜若可求云

# 從釋地已下至九河皆禹所名也

**正義**此釋地以下四篇之總題也呂刑云

禹平水土主名山川大戴記記五帝德云使禹敷土  
主名山川以利于民是禹奠山川因爲各命以名也  
尹文子云形以定名名以定事事以檢名稱語云黃  
帝能成命百物以明民共財顓頊能修之自黃帝顓

項百物已有定名矣惟地正山水爲禹所名故武梁  
祠堂畫像云夏禹長於地理釋正釋山釋水統於釋  
地者禮記註引孝經說云地體卑順謙虛  
開張含泉任萌滋物歸中故以次類叙焉